

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članovima 37. stav (5) i 46. stav (1) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24 i 12/24), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 44. sjednici, održanoj dana 30.08.2024. godine, d o n o s i

ODLUKU

o usvajanju Programa utroška sredstava Budžeta Zeničko-dobojskog kantona za registrovana udruženja/saveze poljoprivrednika u 2024. godini

Član 1. (Predmet)

Usvaja se Programa utroška sredstava Budžeta Zeničko-dobojskog kantona za registrovana udruženja/saveze poljoprivrednika u 2024. godini, u razdjelu 23, budžetska organizacija 01, potrošačka jedinica 0001, ekonomski kod 614300, NAD 411 „Tekući transfer udruženjima“, u iznosu od 80.000,00 KM (slovima: osamdesethiljada konvertibilnih maraka), Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 12/24) i čini sastavni dio ove odluke.

Član 2. (Način realizacije sredstava)

Sredstva planirana ovim programom utroška sredstava realizovat će se isključivo u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3. (Realizacije Odluke)

Za realizaciju ove odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

Član 4. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-20-15071/24
Datum, 30.08.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x „Službene novine Zeničko-dobojskog kantona“,
1x a/a.

MINISTARSTVO ZA POLJOPRIVREDU,
ŠUMARSTVO I VODOPRIVREDU



PROGRAM
utroška sredstava Budžeta Zeničko-dobojskog kantona za registrovana
udruženja/saveze poljoprivrednika u 2024. godini

Zenica, august 2024. godine

Podaci o Programu

Program je usvojen:	Na 44. sjednici Vlade Zeničko-dobojskog kantona održanoj 30.08.2024. godine
Ukupna vrijednost Programa:	80.000,00 KM
Namjena Programa:	Unapređenje rada kantonalnih/općinskih udruženja/saveza Zeničko-dobojskog kantona
Korisnici Programa:	Registrovana kantonalna/općinska udruženja/savezi u poljoprivredi Zeničko-dobojskog kantona (u daljem tekstu: Korisnici)
Izvor sredstava:	Sredstva su planirana u Budžetu Zeničko-dobojskog kantona u 2024. godini , Ministarstva za poljoprivredu, šumarstvo i vodoprivredu, "Tekući transfer udruženjima“, razdjel 23, budžetska organizacija 01, potrošačka jedinica 0001, ekonomski kod 614300, NAD 411 ("Službene novine Zeničko- dobojskog kantona", broj: 21/23 i 12/24).
Odgovorna osoba:	Jasmin Čajić, ministar

I NAZIV PROGRAMA

Programa utroška sredstava Budžeta Zeničko-dobojskog kantona za registrovana udruženja/saveze poljoprivrednika u 2024. godini, u razdjelu 23, budžetska organizacija 01, potrošačka jedinica 0001, ekonomski kod 614300, NAD 411 „Tekući transfer udruženjima”,

Programom utroška sredstava Budžeta Zeničko dobojskog kantona za registrovana kantonalna/općinska udruženja/saveze poljoprivrednika u 2024. godini (u daljem tekstu: Program) određuje se godišnji iznos sredstava za transfer i dodjelu sredstava.

II ZAKONSKI OSNOV ZA PROGRAM

Zakonom o izvršenju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24) opredijeljena su sredstva na poziciji „Tekući transfer udruženjima“ u ukupnom iznosu od 80.000,00 KM.

Članom 37. stav (5) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24) propisano je da će se budžetska sredstva na poziciji „Tekući transfer udruženjima” koristiti prema programu utroška koji donosi Vlada Kantona, a u članu 46. stav (1) je utvrđeno da nadležno ministarstvo predlaže Vladi Kantona program utroška sredstava iz člana 37. istog Zakona.

III SVRHA PROGRAMA

Unapređenje rada registrovanih kantonalnih/općinskih udruženja/saveza na nivou Zeničko-dobojskog kantona koja su osnovana sa ciljem da rješavaju pitanja vezana za poslovanje njihovih članova u oblastima voćarstva, povrtlarstva, ratarstva, stočarstva, ribarstva, pčelarstva, proizvodnje ljekovitog bilja, te u ostalim oblastima poljoprivredne proizvodnje a koji će indirektno doprinosti unapređenju poljoprivrede djelatnosti na području Zeničko-dobojskog kantona.

Svrha programa je da se unaprijedi i osigura što kvalitetniji rad kantonalnih/općinskih udruženja/saveza kroz finansiranje i/ili sufinansiranje projekata i aktivnosti u njihovom radu i djelovanju a koji će indirektno doprinijeti unapređenju poljoprivredne djelatnosti na području Zeničko-dobojskog kantona i to:

- unaprijediti poljoprivrednu proizvodnju i povećati obim korištenja poljoprivrednog zemljišta,
- poboljšanje ekonomskog položaja ukupne poljoprivrede, njene konkurentske sposobnosti na domaćem i inostranom tržištu,
- omogućiti uspješnije uvođenje novih tehnologija,
- uvezati primarne poljoprivredne proizvođače sa prerađivačima/otkupljivačima u Zeničko-dobojskom kantonu,
- povećati otkup poljoprivrednih proizvoda sa područja Zeničko-dobojskog kantona i očuvanje stočnog i ribljeg fonda,
- povećati upošljavanje u primarnoj poljoprivrednoj proizvodnji i prehrambenoj industriji,
- povećati finansijskih ulaganja u primarnu poljoprivrednu proizvodnju, a posebno u prehrambenoj industriji,
- osigurati adekvatan životni standard za poljoprivrednog proizvođača.

IV IZVORI FINANSIRANJA I VISINA SREDSTAVA

Budžetom Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 12/24), u razdjelu 23, budžetska organizacija 01, potrošačka jedinica 0001, ekonomski kod 614300 NAD 411, pozicija „Tekući transfer udruženjima“ planirana su sredstva u iznosu od 80.000,00 KM (slovima: osamdesethiljada konvertibilnih maraka).

Utvrđen iznos realizovaće se u skladu sa prilivom sredstava u Budžetu, a na bazi mjesečnih operativnih planova.

V KRITERIJI ZA RASPODJELU SREDSTAVA

Kriteriji za raspodjelu sredstava planiranih ovim Programom opredjelit će se Korisnicima prema općim i posebnim kriterijima.

1. OPĆI KRITERIJI

Opći kriteriji za raspodjelu sredstava su:

- a) registracija u skladu sa Zakonom o udruženjima i fondacijama Federacije Bosne i Hercegovine („Službene novine Federacije Bosne i Hercegovine“, broj: 45/02),
- b) korisnici moraju imati sjedište na području Zeničko-dobojskog kantona i moraju biti upisani u registar udruženja/saveza kod nadležnog organa,
- c) korisnik mora dostaviti projekat/programa koji ima za cilj unapređenje poljoprivrede proizvodnje,
- d) organiziranost i broj članova Korisnika,
- e) broj članova koji učestvuju u realizaciji projekta/programa,
- f) korisnici svojim radom moraju unaprijediti rješavanje pitanja iz djelatnosti poljoprivrede,
- g) korisnici moraju biti upisani u registar gazdinstava/klijenata kao nosioci,
- h) ekonomska ili društvena opravdanost projekta,
- i) korisnici moraju izmiriti sva dospjela poreska i druga dugovanja prema Zeničko-dobojskom kantonu,
- j) korisnici moraju izmiriti dospjele poreze i doprinose za zaposlenike (ukoliko ima zaposlenika),
- k) ekonomsko-finansijska sposobnost Korisnika.
- l) da korisnik nije ostvario sredstva iz Programa utroška sredstava Budžeta Zeničko-dobojskog kantona za poticaje u poljoprivredi za 2024. godinu, iz mjere „Podrška projektima u poljoprivredi“

2. POSEBNI KRITERIJI

Posebni kriteriji za raspodjelu sredstava su:

- a) projekat/program koji doprinosi uspješnom prezentiranju razvoja poljoprivrede kroz afirmaciju i promociju poljoprivrednika i njihovih proizvoda,
- b) projekat/program koji podstiču unapređenje i očuvanje animalnog i/ili biljnog fonda,
- c) projekat/program sa ciljem razvoja ruralnog područja i očuvanje tradicije i običaja Zeničko-dobojskog kantona.

VI NAČIN UTROŠKA SREDSTAVA

Podršku ostvaruju Korisnici koji ispunjavaju opće i posebne kriterije propisane ovim Programom i Uputstvom. Uputstvom ministra Ministarstva za poljoprivredu, šumarstvo i vodoprivredu će se utvrditi postupak, potrebna dokumentacija i obrasci.

Novčanu podršku ostvarit će kantonalna/općinska udruženja/savezi koja ispune sve opće i posebne odredbe Uputstva, a maksimalan iznos podrške po jednom udruženju/savezu iznosi do 6.000,00 KM za kantonalna udruženja/saveze i maksimalno do 3.000,00 KM za općinska udruženja.

Sredstva planirana ovim Programom dodjeljuju se na osnovu javnog poziva koji će raspisati Ministarstvo za poljoprivredu, šumarstvo i vodoprivredu koristeći Smjernice o minimalnim

standardima dodjele budžetskih sredstava putem transfera i subvencija („Službene novine Federacije BiH“, broj: 37/24). Javni poziv će, u skladu sa tačkom 23. c. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine FBiH“, broj: 37/24), sadržavati pisane kriterije na osnovu kojih će se izvršiti odabir kandidovanih projekata, sve u cilju efikasne, ekonomične i efektivne upotrebe sredstava. Obrazac za prijavu programa ili projekta biće sastavni dio javnog poziva i isti će obavezno sadržavati procjenu efekata učinka koji se postižu realizacijom istih.

VII KORISNICI

Korisnici sredstava su sva registrovana kantonalna/općinska udruženja/savezi u poljoprivredi sa područja Zeničko-dobojskog kantona.

VIII NAČIN I ROKOVI IZVJEŠTAVANJA

Korisnici doznačenih sredstava dužni su dostaviti Ministarstvu za poljoprivredu, šumarstvo i vodoprivredu izvještaj o namjenskom utrošku sredstava (narativni i finansijski izvještaj) do 31.03.2025. godine. U slučaju da Korisnici doznačenih sredstva ne dostave narativni i finansijski izvještaj o utrošku sredstava za odobreni projekat/program do ostavljenog roka neće biti prihvaćeni za finansiranje programa/projekata u narednoj fiskalnoj godini.

Broj: 02-20-15071/24

Datum, 30.08.2024. godine

Zenica

PREMIJER

Nezir Pivić

Dostavljeno:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x „Službene novine Zeničko-dobojskog kantona“,

1x a/a.